



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1176. Usque Ad Annum 1203

Fleury, Claude

August. Vind. [u.a.], 1763

VD18 90118022

§. 13. Expeditio sacra Francorum.

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

Sæcul. XII. *bes filias, superbiam, avaritiam, & im-*
A.C.1199. *pudicitiam.* Tum Rex conversus ad
 amicorum proximos, *faciam igitur, quod*
vis, ait, *superbiam meam Templariis,*
Avaritiam Monachis Cisterciensibus, &
impudicitiam Prælati Ecclesiæ collo-

Rigord.p.39 Fulco prædicandi officium anno mille-
 simo centesimo nonagesimo quinto in se
 susceperat, quare, cum fama virum ce-
 leberrimum effecisset, Petrus Capuanus
 ejus opera ad prædicandum Bellum sa-
 crum opportune usus est, & conjicere
 licet, hoc Cardinale eum commendante
 Innocentium Papam literas, quas memi-
 nimus, ad Fulconem dedisse. In iis
 hortatur Papa; ut dotes a Deo acce-
 ptas ad instruendum populum Fidelem
 impendat. Potestatem etiam facit,
 qua, accedente Legati consilio, quos-
 dam ex monachis Nigris, ex monachis
 Albis, & Canonicis Regularibus magis
 idoneos, sibi in prædicatione socios de-
 ligeret. Illa tempestate Cluniacenses,
 Monachi Nigri, & Cistercienses Mona-
 chi Albi dicebantur.

1.ep.398.

§. XIII.

Expeditio sacra Francorum.

Tandem Fulco accepto pie militan-
 tium Insigni, Fideles ad profectio-
 nem sacram magno successu suis sermo-
 nibus excitavit. Nam ubi vulgatum
 est,

est, ipsum Fulconem, Cruce signatum, Sæcul. XII.
 Ducem propinquæ Expeditionis futu- A.C. 1199.
 rum, populi turmatim confluere, &
 Crucem de ejus manu expetere. Ma-
 ximam eleemosynarum & auri vim cu-
 mulavit, unde sumtus in profectioem
 suppetent. Quantumvis vero ejus *Alber. an.*
 intentio fuerit pura, non nihil tamen *1199.*
 de ejus fama detractum, ejusque aucto-
 ritas haud parum imminuta.

Principum præcipui, qui Fulconis
 prædicatione moti ad iter in Palæstinam
 se accinxerunt, fuerunt Theobaldus V.
 Comes Campaniæ, annos natus viginti
 duos, & Ludovicus Comes Blesensis, an-
 num vitæ agens vigesimum septimum.
 Hi Sobrini erant Regis Franciæ, Regis *Ville Hard.*
 Angliæ vero nepotes, atque consilium *n. 2. & les*
 Hierosolymam proficiscendi & societa- *observ. de du*
 tem itineris promiserant in Ludis Eque- *Cange.*
 stribus, initio Adventus anno millesimo
 centesimo nonagesimo nono in Campa-
 nia celebratis. Sicque ex illis spectacu-
 lis, per Constitutiones Canonicas tam
 districte & diserte vetitis, non nunquam
 utile aliquid oriebatur. Cum iis præ-
 terea Crucigerorum votum ediderunt
 Simon Montfortius exinde bello contra
 Albigenes nato clarissimus, Renaldus ** Montmi-*
*de Monte * Miraculi, Godefridus de* *rail.*
Villa-barduina in Campania castrorum
 Præfectus, qui lingua Gallica, illo ævo
 L I 5 vulgari,

Sæcul. XII. A.C. 1199. vulgari, Historiam hujus sacra Expeditionis literis mandavit, & plures alii Episcopi quoque duo Garnerius Trecentis & Nevelonius Sueffionensis sacra Militiæ nomen dederunt.

Sup. Lib.
LXXIV.
§. 61.

1. sp. 437.

ep. 438.

Inter hæc Innocentius Papa, ut rem Christianam in Oriente curaret, ad Regem Hierosolymæ & Imperatorem Constantinopolitanum literas dedit. Titulum Regis Hierosolymæ tunc gerebat Aimericus Lusignanus, Rex Cypri, quem Latini, cum eum ad vacillans hoc Regnum sustinendum maxime idoneum crederent, elegerant, nam præterea Isabellam Amalrici Regis filiam uxorem habebat. Papa igitur missis ad Aimericum Regem & Reginam ejus Conjugem Epistolis tutelam suam, quam petierant, promisit, Regem præcipue hortatus, ut virtutes, quæ Regiam Dignitatem ornant, amaret; iterumque affirmabat se nulli labori aut industriæ parere, qua ei auxilia ex Europa transmitteret. Hæ duæ Epistolæ mense Decembri anno millesimo centesimo nonagesimo octavo datæ. Simul Papa Comiti Tripolitano scripsit; ipse Regnum Cypri custodiret, quo tempore Rex Aimericus, bellum in Palæstina gerens, absset. Nemo enim ignorabat, Imperatorem Constantinopolitanum occasionem captare, jus suum in hanc Insulam sibi vindicare.

vindicandi. Scripsit etiam Papa literas ad Principem Antiochenum, ad Magistros Templi & Hospitii Hierosolymitani, Aimerico Regi faventes, & quia complures Latini, Terræ sanctæ incolæ, abibant, prætextu implendi edita vota, quibus se ad alia loca sacra visenda obstrinxissent, his licentiam ibi manendi dispensavit, ne Palæstinam suo auxilio destituerent; quin etiam pecunias, quas itineri impensuri fuissent, in stipendia militum, & reparandas munimentorum ruinas conferrent.

Sæcul. XII.
A.C. 1199.

§. XIV.

Epistolæ Papæ ad Imperatorem & Patriarcham Constantinopolim datæ.

Alexius Angelus Imperator, comperta Innocentii Papæ III. electione, missis cum pretiosis muneribus Legatis, rogavit, ut invicem ipsum Legatione honoraret. Misit Papa Albertum Subdiaconum & Albertinum sibi a secretis Notarium cum Epistola, cujus summa hæc erat: *Boni consule, cum tibi sincere aperio, quantum ego obstupescam, & quantum sit populorum Christianorum murmurantium strepitus, quod hucusque haud sane ut debebas ad liberandam de jugo Infidelium Terram sanctam auxilia contuleris,*

Gest. Innoc. n. 60.

1. ep. 353.